

Band XI., Nr. 4990, Seite 33-34

Mechthild die Tochter Peters von Entringen übergibt all ihr mütterliches Erbe an Gütern in Eningen, Pfullingen und Oferdingen dem Reutlinger Bürger Wigmann.

Reutlingen, 1297. März 23.

In dem namen gots unsers herren. Amen. Ich Mehtilt herren Peters tochter von Anthringen vergihe offenlichen mit aim urkunde dis briefes vor allen luten, die in sehent und hõrent lesen, si leben nu in dirre zit oder werden noch geborn, die billiche wizzen suln daz hie geshriben stat, daz ist, daz ich ælliu diu gût, diu mich angevallen sint nach erbe rehte von miner mûter Gerdrude von Bernhusen, daz ich diu han geben Wigmanne ein burger von Ruthelingen umb ain gût, daz er mir vergolten hat, also daz er und alle sin erben diu selben gût haben besizzen und niezen eweclichen als man aigenlichiu gût han besizzen und niezen nach allem gewalte sol. Und beshit, daz der selbo gûte ainz oder me oder ålliu samt ansprechig werdent, da sol si herre Peter min vater der vor genante verstan und im daz ufrihten nach der stete reht ze Ruthelingen, daz ist stæten ain jar und ainn dag. Disiu gût ælliu, als si hie mit namen geshriben stant, han ich Wigmanne ufgeben in sine hant an offem gerihte ze Ruthelingen und han mich verzigen aller der rehte, diu ich hete an den selbon gûten oder mich duhte daz ich iemer gewinnen môhte nach allen rehten gaistlichen und weltlichen. Diu gût sint: der hof ze Einingen Wernhers des Maders, den mir min mûter lie als öch diu anderen gût, diu ich hernach nemme; Eberhard Bitterolfes gût, da er uffe sizzet und swaz dar zû hõret; diu muli ze Phullingen mit ir rehte; des Vochelers gût öch ze Phullingen mit sime rehte, daz giltet ain pfunt; des Gebures gût öch da, ain hus und ain garte und swaz dar zû hõrt, ez sigen æcger oder ander gût, und ain wise lit in rehtem phade, da von git er ainn shillinc und zwai pfunt; daz gûteli, daz Wigman selbe het, daz lit in dem Aigerbache bi Heanlines huse, da von er mir gab des jars zwelf shillinge; der Winmerinun gût ze Overdingen, da von gant dri shoffel rogggen und zwai summeriu, und Veshe gûteli ze Phullingen, da von gat ain shillinc. Die lancgarbe von den wingarton an Loshen berge ez si win oder pfenninge, daz wart mir halbes und Johans von Bernhusen und Cünzen von Uberlingen daz ander tail. Diu lancgarbe von Hainriches des Fronmaigers wingarten an Achalmer berge, der wirt daz vierde tail Johans von Bernhusen, diu driu tail wörden mir. Disiu gût ælliu samt, als ich si hie genemmet han, mit allen den rehten, diu zû in horent, han ich Wigmanne geben ufgeben und offenlichen verzigen, als da vor geshriben stat.

 Diz beshach und

II

wart geben ze Ruthelingen in des Behten des burgermesters huse, an dem samzdage vor mitterre vastun, in dem jar do man raite von Cristes geburte zwelf hundert jar in dem subeniu und niunzegostem jar. Der lute vor den ich d vor genanten güt ufgab und mich ir verzech, als da vor geschriben stat, der was vil, da von nemme ich nit wan ain tail. Da was bi her Rumpolt der shultaiz, Al. der burgermeister, Al. Hurnbogen, Eber. der Ungelter, H. der Teverner, Ber. sin brüder, Wal. von Hagingen, Al. Valros, C. von Husen¹, Liutold, Ernst Witige, Eber. der Wahsmanger, Rüd. von Waibstat, Walt. Kistrich alle rihter, Walther Gütunsun, C. der Maiger, Al. der Zindel, Ber. Rüppli, H. Eppe, H. von Egelingen, C. Wolvart, Al. der Wagener alle zumphmaister, H. der Fronmaiger und ander gnüge erber liute. Und daz disiu dinc ganz und stæte an allen widercrieg ewechlich beliben Wigmanne und allen sinen erbon, so henkent di burger von Ruthelingen ir stete gemain ynsigel an disen brief und dar zû min vater herre Peter öch daz sin zu ainer waren geziucnusse aller der dinge, diu hie geschriben stant.

—

Textabdruck folgt dem Original.

 Siegel: 1) der Stadt Reutlingen, s. WUB, Bd. VIII, S. 389, Nr. 3231. 2) schildförmig, c. 42,36 mm., mit drei rechten Schrägspitzen gespalten; Umschrift, im linken Obereck beginnend: SIGIL . PETRI . DE . ENTRIN .

¹Unermittelt.

Überlieferung und Publikationen

Lagerort:

HStA Stuttgart

Signatur/Titel des Originals:

B 201 U 363

Weitere Angaben

Sprache:

Deutsch

Ausstellungsort:

Reutlingen

Aussteller:

Mechthild; Tochter Peters von Entringen

Ortsindex:

Achalm Wohnplatz (15987)
 Achalm, Reutlingen, RT, A
 Bernhausen Wohnplatz (481)
 Bernhausen, Filderstadt, ES
 Eglingen Wohnplatz (16052)
 Eglingen, Hohenstein, RT
 Eningen unter Achalm Wohnplatz (15842)
 Eningen unter Achalm, RT
 Entringen Wohnplatz (16224)
 Entringen, Ammerbuch, Tü
 Hausen
 Hayingen Wohnplatz (15868)
 Hayingen, RT
 Oferdingen Wohnplatz (15976)
 Oferdingen, Reutlingen, RT
 Pfullingen Wohnplatz (15957)
 Pfullingen, RT
 Reutlingen Wohnplatz (15981)
 Reutlingen, RT
 Waibstadt Wohnplatz (6572)
 Waibstadt, HD
 Überlingen Wohnplatz (18447)
 Überlingen, FN